

州委同知田鍾雨管府事合浦縣知縣金世爵死之執知府徐化民而去

十五年丙辰吳逆竊據

十六年丁巳夏五月祖澤清投誠廉屬復歸

正 是月十四日地震

秋七月朔大水颶風作海賊楊彥迪先彪復據龍門肆行劫掠

十七年戊午祖澤清復叛

夏四月僞將郭義據駐靈山大肆殺掠委僞

官杜化鳳署縣事誅求無藝人民逃散

秋八月龍門海寇楊彥迪欽州遊擊劉世貴擊走之

十八年己未大兵征高州祖澤清敗走潛匿進誠鄉夏四月據靈山僞將郭義僞官杜化鳳聞風逃遁遊擊朱梁提兵追之

秋七月總兵官佟國璽帥師討祖賊于背山擒之並獲其子械至京師誅之自是三廉始獲底定

九月部頒新印督撫委開平知縣薛璧縮印
來署靈山招撫流亡

十九年庚申夏五月海寇葉紅旗率黨分劫
大石屯鄉村知府佟國勳督兵擊之斬紅旗
焚賊艘數十餘黨悉散

冬十一月晦天星見紅首綠尾自東南度西
北巨響而墜

二十年奉頒

上諭十六條是年復設府學訓導縣學教諭

春三月征剿龍門楊彥迪大敗逃入海島

秋九月合浦大雨雪晚稼無收

二十一年壬戌

詔治受僞職官罪并復舉人會試水脚銀三十

六兩歲貢廷試水脚銀七十二兩

夏四月閩郡大饑知府佟國勦設法賑濟

六月至八月颶風三作

九月總督吳興祚提督許禎巡邊至廉

冬十二月知府佟國勦合浦知縣楊昶捐俸

重修府城西門高舊門三尺

二十三年甲子春正月裁廉州鎮總兵衙門
欽差工部尚書杜臻總督吳興祚巡撫李士楨
提督許禎至廉抵欽州會勘龍門設協鎮衙
門控制邊海

御書萬世師表四大字頒懸

文廟 是年夏六月復廩膳三分之一
二十四年乙丑靈山大大有年

冬十月欽州地震虎暴

二十五年合浦知縣楊昶捐俸鬻建聯珠謹

院并置田舖

二十六年丁卯

詔免歲貢廷試

春二月靈山縣知縣遲維城捐俸建西靈書

院延師課士

二十七年戊辰冬麋入西門鳴於大街越數

日災城西舖舍盡燬

十一月

詔天下軍民七十以上免一子雜泛差役侍養
八十以上給帛一匹綿一觔肉十觔米一石
九十以上倍之

二十八年己巳冬白氣亘天

二十九年庚午建常平倉儲捐納穀石以備

凶荒

夏龍門副總兵葉勝大破海寇

三十年奉頒

御製四配贊是年靈山縣知縣遲維城捐俸置

義學田

買下冬鄉五冬民米十一石有奇租穀貳百柒拾餘石為書院課士計後

因龍斷據收盡飽私囊通庠聯控於縣知縣葉昌轉詳督學批着每試文武案首名

生員三人公同管理歲定租價銀五十兩以為完糧課士祭祀文昌及修葺書院之

費勤諸貞珉永以為例

三十三年甲戌提學副使王聃按臨廉郡考

較生童

已前皆調考高州士子艱于跋涉赴試寥寥知府董紹業懼士氣不振則

文教不興乃通詳各憲改海北道衙門為學道公署力懇學憲王公始臨廉考較至

今士子猶頌董公之德不衰

三十五年丙子夏四月總督兩廣部院石琳

巡邊至廉是年知府董紹業捐俸重修北帝

樓郡人李廷相作記

冬十月提督李鎮鼎臨郡查勘水陸營汛

三十六年丁丑春閏三月朔日食是年平定

沙漠

詔以本年歲貢爲恩貢

三十九年庚辰春靈山縣知縣吳廷琪始行

鄉飲禮冬吳廷琪卒貧不能喪士民爭賻之

始克扶櫬以歸

四十年辛巳合浦縣復建

文廟於西南屯故址

秋九月欽州大水颶風作

四十一年壬午

御製訓飭士子文頒行天下朔望宣講

四十二年癸未春廉州營遊擊李奕桂捐俸

鼎建又了義學於南屯

秋七月靈山縣復遷

文廟於城內

在縣署西知縣段曦從衆議也